

**AXIOMATA POLITICA
PRINCIPUM E
POLITICORUM
PRINCIPE TACITO
DEPROMPTA:...**

Johann Ulrich Pregitzer, Christianus
Albertus Lenz, Valenti Gonzaga, ...



PER-ILLUSTRI
ET
GENEROSISSIMO DOMINO
DOMINO
HENRICO FRIDERICO
FORSTNERO

à DAMBENOV,

SERENISS. WIRTENBERGIÆ
DUCIS
CONSILIARIO STATUS INTIMO,

AULÆ MARESCHALLO,
TRACTUSQUE URACENSIS SATRAPÆ,

PATRONO

OPTIMO, MAXIMO,

Summa pietate sancte suspiciendo.

Specimen hoc Academicum

in ulteriorem sui Commendationem
devota mente

consecrat

C. A. LENZIUS,
A.&R.

NUIS VIR GENEROSISS. sese offert oculis periculum hoc Academicum, quod quomodocunque leve sit, pondus à TUA gravitate accipit: suscipe quæso benigno animo, noli indignari, noli dedignari TUUM tam ILLUSTRE hic præfigi nomen, quod nisi totum illuminaret conatum, tenebræ in eo, & quasi obscura nocte obducta appareret nubes: lumen & faces à TE accerso, quibus mea illustrem studia, & vividum tanti nominis decus suum mihi fundat auspiciū, boni ominis augurium. Si in memoriam placet revocare, literas charissimi D. Avunculi mei p. m. quæis TIBI VIR GENEROSISS. de meliore nota me commendatum ibat, ansam dabunt illæ levia hæc accipiendi ab eo, qui omnem movebit lapidem, ut tanti VIRI favore se dignum appellari audiat. Mortuus quidem D. Avunculus meus PORTNERUS, cujus memoria mihi semper erit re-

)(2 ligio-

ligiosissima: sed non credo simul **TUUS** in me
VIR GENEROSISS. favor, quem vel
 post funera illius viventem, & velut inter cin-
 res repertâ scintilla in magnam excresecendo
 flammam quotidianis majorem fore spero ac-
 cessionibus. Meum erit **DIVINÆ OMNI-**
POTENTIÆ numen assiduus invocare suspi-
 riis, ut **TE VIR GENEROSISS.** cum ineun-
 te vere, quo omnia revirescunt, reflorescen-
 tem in seram annorum seriem vigere, & cum
 æternitate rerum certare sinat Nominis **TUI**
GLORIAM. **VALE,** quem fortunæ meæ
 fabrum non minus aliquando, quam nunc stu-
 diorum promotorem appellare gestio. **VALE**
VIR GENEROSISS. in quo tanquam
 in securo littore bonæ spei figo
 anchoram.





AUSPICIIS DIVINIS

AXIOMA.

I.

EA CONDITIO IMPERANDI, UT NON ALITER
CONSTET RATIO, QUAM SI UNI REDDA-
TUR.

PACIS INTEREST, OMNEM POTESTATEM AD
UNUM CONFERRI.

DISCORDANTIS PATRIÆ NON ALIUD REME-
DIUM, QUAM SI AB UNO REGATUR.

TACITUS

Annalium
libro 1. ca-
pite 6. nu-
mero 7.

Hist. 1 1.
c. 1. §. 2.

Ann. 1. 1.
c. 9 §. 4.



Axima quæque mundi imperia & respubl.
ab unius principatu sua traxere incunabu-
la, inde principatui antiquitas, & ex anti-
quitate constat dignitas. Sed dum vetus ac
pridem insita mortalibus potentia cupido
irrupit, natura hominum avida facta impe-
rii, plures simul Reip. capeffere gubernacula; malorum ori-
ri Lerna, ut Resp. illæ Herculis fidere prognatæ viderentur,
quæis quasi ab angue Lernæo tot imperantium capita, de
suorum renascerentur sanguine. Ipsa jam Roma rerum po-
stea gentiumque Domina ab exiguis profecta, licet initiis
nec duos ab initio passa Reges Romulum & Remum, sed

Fraterno primùm maduerunt sanguine muri.

Post eam tempestatem audivimus Cæsarem & Pompejum
paribus utrumque votis & viribus imperium orbis agitasse,

Poterat nec Cæsar ferre priorem

Pompejusve parem, quis justius induat arma

Scire nefas, magno se judice quique tuesur.

A

Occi-

Occidebatur ille Cæsar, quod aliis pessimum, aliis pulcherrimum videbatur facinus, isque Roman. animorum motus fuit, ut facinus hoc auderent pauci, plures vellent, omnes paterentur. In tanta perturbatione, ubi omnis potestas, impatiens consortis erat, & corruptissimo tunc seculo, ubi pauci bona liberratis, cujus vix vestigia restabant morientis, incassum differebant, plures bellum pavecebant, alii pacem cupiebant, parsq; multo maxima incumbentes triumviros variis prosequabantur rumoribus, gratulandum erat Romæ, quando potissimum ad Octav. Aug. rerum secundarum, ambiguarumve scientem, eoque interritum, summa rerum redierit, qui sapientia sua undique percussum Imperii corpus, & cuncta discordiis civilibus fessa nomine Principis accepit. Si divisum postea in Orientale & Occident. respicimus Imperium, mundum reperimus non regi posse duobus solibus, ut haud immerito exclamaverit Homerus

ὅς Κοίρω· ἔγω, ὅς βασιλεύς.

II.

Ann. l. 1.
c. 11. n. 3.

ARDUUM ET SUBJECTUM FORTVNÆ CVN- CTA REGENDI ONUS.

Sententia hæc Tiberii, abstrusū illius Tiberii, & tristissima quæque vel maxime occultantis, piißima, si à pio & sincero prolata foret animo, aliud enim in ore, aliud gerens in pectore, specie recusantis imperium flagrantissime cupiebat. In promptu sunt exempla, & animi de meliore metallo efficti, qui delatum Imperium ob magnitudinem fortunæque varietatem aut recusarunt, aut inviti susceperunt. Saturninus ap. Vopiscum amicis scepra deferentibus, nolite; inquit dare, quod multi invideant, plures concupiscant, gladii impendent Regibus, tela cervicibus. Cui parallelum illud Dionysii Siculorum tyranni, qui Damocli nimium quantū regiam deprædicanti fortunam apparatus epulis assidenti è filo

filo pendentem supra caput gladium habenti, suavit, desinat laudare summa cacumina, fulminibus, cœli injuriis, fortunæ obnoxia iniquitatibus. Maxima enim quæque in lubrico, & audacissimas hominum spes, quilibet ex improviso casus elidit: maximæ cuique fortunæ minime credendum, cujus versabilis rora nunc ad cœli cardines, nunc ad squalentia Acherontis detrudit profunda: cuncta mortaliū incerta, quantoque plus adepti, tantò magis in lubrico. Docet hoc Dionysius suo exemplo, de quo falsè Poeta

Dextra Siracosi sceptris assueta Tyranni

Post ferulas pueris sceptrà verenda tulit.

In proverbium abiit DIONYSIUS CORINTHI, qui quasi ad ludibrium fortunæ natus, nec propter aliud accepisset opes, quam ut amitteret. A quo non absimilis potentissimus Persarum Monarcha Xerxes, arbiter ante pacis, moderator belli, piscatoria vix ac ne vix quidem evasit navicula, quem ante vix omne capiebat æquor; Pompejus M. documentum posteris, momento temporis summa verti posse, unde magni res momenti pendent. Valerianus Saporis, Cræsus Cyri, Mauritius Phocæ, Bajazeth Tamerlanis ludibria, orbi tanquam theatro sua ostendant fata, exempla instabilis fortunæ summa in ima mutantis.

III.

FATO POTENTIÆ RARO SEMPITERNÆ.

Ann. l. 12.

c. 11. n. 2.

Fatum Tacitus intelligit gentile. Christianus ego & nomine & omine Christiane interpretor, & Deum dico causam esse, qui pro Majestatis suæ omnipotentis nutu & lubitu humana negotia volvit agiturque, omnia mortalium opera mortalitate damnans, vel sceptrà ligonibus æquat, magnis rebus volens quasi inesse orbem, ut temporum, ita & Imperiorum vertantur vices. Floruere Assyria, Persica, Græca, post has Romana gens, quæ nec totam servitutem

nec totam libertatem pati poterat, & cujus nunc tantum

Stat magni nominis umbra.

IV.

Ann. I. 12.
C. II. B. 2.

NON DOMINATIONEM PRINCEPS ET SERVOS,
SED RECTOREM ET CIVES COGITET, JU-
STITIAM AC CLEMENTIAM CAPESSAT.

Resp. magna est, velut familia in qua princeps pater, quem Aristoteles monet, ut clementer dicendo liberis imperitet: cui assentitur, Lacedæm. Rex, Principem carere posse milite in forum, milite in curiam comitante, si sic subditis imperitet, ut pater liberis. Justitiâ, & clementia regunt Principes cives, agunt Rectores: Justitia & clementia duo summa illa regii cœli & primæ quidem magnitudinis sidera, quæis omnis fulget potestas, illi duo Atlantes, quæis imperiorum nititur machina. Italis in proverbio est, Panem in foro, justitiam in tribunali, securitatem ubique boni Imperii esse signa. Sanè remota justitia, quid sunt regna? nisi magna latrocinia: remota clementia? quid sunt regna, nisi Tyrannidi proximè accedentes dominationes. Justitia Aristidem fecit famâ super ætherea notum: Clementia tot Regibus quasi indubitatum virtutis suæ præmium Clementis nomen dedit, dedit & memoriam. Justitia & clementia sunt artes illæ, quæis Principes cœli arces attingunt igneas, & ex mortalibus pene fiunt immortales. Rectè non minus quam bene Stephanus Walachiæ Waiwoda rejectis in terram oculis Sigismundo Hungar. Regi defectionis deprecaturus culpam, imitare, inquit, Rex Deos immortales, quorum vicem geris in terris, & ab his addisce resipiscences è poenitentia animos non aspernari, & clementia potius quam severitate hominum promereri gratiam, promereri benevolentiam. Regie sanè coram Rege. Bonfinius.

V. OMNIA

V.

OMNIA SCIRE, NON OMNIA EXEQUI, PARVIS
 PECCATIS VENIAM, MAGNIS SEVERITA-
 TEM COMMODARE, NEC POENA SEM- Agric. c. 19.
 PER SED SÆPIUS POENITENTIA CONTEN- D. 4.
 TUM ESSE.

Justitia flumen est. Cujus nimium cursum velut inhi-
 bet clementia, ejus proprium, ut ajunt, in quarto modo,
 transilire nonnunquam severæ æquitatis terminos, quan-
 do sola est misericordia, cui omnes virtutes honorabiliter
 cedere non recusant. Pater nisi multæ & magnæ devicere
 injuriæ patientiam, non accedat ad decretorium flum: sic
 Pater patriæ, & sibi dictum credat.

Ignoscere pulchrum

Iam misero, panaque genus usdissepescantem.

Nimia séveritas sæpe tumultibus præbet occasionem. Ama-
 sis Ægypti rex cum plerosq; inauditos, & sic innocentes ul-
 timo affecisset supplicio, exosum se reddidit, & Actisani
 Æthiopum regi invadendi ansam dedit, quo adventante,
 subditorum occulta, obscura ante, eoque inevitabilia odia,
 multa plebis adversa in Amasin judicia, quanquam olim
 pressa erupere, affectum injuriis regem privantia regno.

VI.

QUANTA PERVICACIA IN HOSTEM, TANTA Ann. 11.
 BENEFICENTIA ADVERSUS SUPPLICES 20. 4.
 UTENDUM.

Bello præsertim peracto, & obtentâ victoria, opus est
 clementia. Eleganter canit Poëta Mantuanus

Tu regere Imperio populos, Romane, memento

Ha tibi erunt artes, pacique imponere morem

Parcere subjeclis, & debellare superbos.

Optimum optimi Poetæ monitum presso pede sequentes

A 3

Roma-

Romani, plus parcendo victis auxere Imperium, quam vincendo. Ita Romulus eodem die hostes, deinde cives habuit. Mansuetudinis gloria erga victos. Inviſtus armis, victus clementia floruit Alexander: miſere ad eum legatos Sacæ, quos regia virtus & ſumma in captivos movit benignitas, omnibus quippe ſine pretio remiſſis, ferociſſimis etiam gentibus fidem faciebat, fortitudini jungere clementiam Heroum eſſe.

VII.

**RELIGIONE SE TUTARI.
RELIGIONIBUS ET DIVINO JURE SIBI POPULUM DEVINCIRE.**

Ann. 1.
39. 5.
Ann. 3.
26. 5.

Anticyras abeant, & ingenia elleboto expurgent, maleferiati homines, qui à principe verè Politico religionem abeſſe debere dicunt, imò ſomniant. Nonne religione vita conſtat? Nonne honor religionis firmamentum potentiz. Romaniſque ipſi omnia religioni poſthabenda cenſuere, in ea maximum Imperii & majeſtatis decus conſpici volentes, ut ſi, quis rem æqua lance perpenderit plus Romam Pompilio ob religionem, quam Romulo ob virtutem debuifſe militarem, facile conſiteatur. Religio ſpiritus ille vitalis, quem tot millia trahunt, religio omnis Juſtitiæ fundamentum, omnis ſocietatis coagululum. Ut autem Princeps animis & oculis debet ſervire civium, ita præprimis caput reip. decet colere caput virtutum pietatem, quam prolapſam, & religionem neglectam, ſemper ſecū traxiſſe Remp. & trahere adhuc, infinita exemplorum oſtendit multitudo. Conſtat omnia evenire proſpera colentibus Deum, adverſa ſpernentibus. Nemefin dīvinam contemptæ religionis pediſſequam experti Cambyſes, Xerxes, Phocenſes, Craſſus, Brennus, aliiq; Solere autem potentes religione, imò ſæpe religionis umbra & ſimulacro, plebem ſibi devincire, & tanquā freno regere,

regere, & in communem obedientiæ redigere gyrum, vetus est ludus, & cum incunabulis regnorum natus. Ipse DEUS cœlique majestas pridem inter dominationis arcana sunt. Primores Romanorum animos plebis pavidos, & conscientia vecordes religione velut thyrsu percussere captosque superstitione habuere quæstui. Numa Pompilius Dea Ægeria, Scipio Jove Capitolino, Sertorius cervâ, Marius Syra fatidica, Sulla Sigillo Apollinis, & apud Ethnicos aliosque Lycurgus Apolline Delphico, Hieronymus Savonarola colloquio cum DEO, Mahometes columba, usi ad defraudandos humiles illos formidine divûm, Sed ut ad religionem revertar: reprehendendi Ægyptiorum Reges, qui variam & miscellam stabiliendo regno inducere religionem, sed, quæ apud concordēs caritatis vincula, apud insensos incitamenta irarum erant. Censent nonnulli diversitatem in religione subditorum prodesse regi, non obesse, efficere enim ne facile conspirent: alii obijciunt dictum illud in Act. Apost. c. 4. v. 32. multitudinis credentium cor sit unum, & anima una. Litem mihi non appllo, ex historiis, rerum gestarum gerendarumque eventu judicium quemque melius pro suo affectu trahere posse judico. Sæpe refragantes & solum Deum mentis regem appellantes, fidem suadendam non imperandam dicentes, invitos subditos ad suam compellere fidem nitebantur reges varii, vario eventu. Ultima quæque se passuram pro Christiana Religione Thebæa olim legio promisit Maximiano Imperatori, imò & præstitit. Mauritius legionis primicerius jubenti Imperatori decimum quemque recusaturum gentili sacrificio perlictores interfici, animose responder: Habebis potestati Tux subdita omnium corpora, auctorem verò suum respicientes Christum animas non tenebis. Tela projicimus, exarmatas quidem dexteras satel-

les

les Tuus, sed armata fide Carholica pectora reperiet. Ibimus, inquit postea ad socios, ibimus felices ad Creatorem nostrum, & sine invidia piissimas miscebimus Umbras, si extinctis sensibus toti condimur humani interris, hoc cum vita malum effugimus, ne contemptorem DEI nostri venerari necesse sit. O quam fortiter, ô quam constanter in vico Agauno, qui inde Mauritii nomine gaudet, non procul ab urbe Martinach ad unum omnes cæsi, non pro salute cum Batavis, non pro libertate cum Germanis, sed quod speciosius, quod majus est, pro religione vita defuncti per gloriam in perpetuum vivere intelliguntur.

VIII.

Ann. l. 15.
C. 2, D. 4.

**MODESTIÆ FAMA NEC SUMMIS MORTALIUM
SPERNENDA ET A DIIS ÆSTIMATUR.**

De civitate Ormuz perhibent Geographi, eam mererigemmæ locum, si totus Orbis repræsentaret annulum: abnuo, & de modestia verius prædico, virtutum compendium, si uno concluderetur annulo, modestiam gemmæ vicem occupaturam. Quæ virtus inter divas jam olim relata, colenda à mortalibus immortalitatem propinquo gradu attingentibus. Regi Deiotaro virtutum reginam modestiam adfuisse Cicero in laude ponit.

IX.

Annal. 4.
38. 6.

OPTIMOS MORTALIUM ALTISSIMA CAPERE.

Ad alta niti virtutis, pervenire felicitatis est. Alexandrum M. quem ad altissima quæque ingenita tanto ingenio laudis cupido, & fax mentis honestæ gloria trahebat. Scytharum legatus haud Scythice affatur: Vide ne dum ad cacumen pervenire contenderis, cum ipsis ramis, quos comprehenderis, decidas. Annescis, magnas arbores diu crescere, una hora extirpari: stultus est, qui fructus earum spectat,

spectat, altitudinem non metitur. Nihil quidem tam altè constituit natura, quo virtus non possit eniti: sed modus in rebus, & certi sint denique fines: anima adhibenda virtutum, moderatio, cujus si superantur limites, jacta est alea, quod semel male cecidit, non potest arte corrigi. Lacedæmonii, quorum partibus ipsa videbatur desponsata fortuna, sed docente eventu, ad sinistram, ut Germani appellant manum, more ingenii humani, quo plura habuere, eò ampliora cupientes, non contenti accessione Atheniensium totius Asiæ Imperium affectare cœperunt. M. Manlius feliciter peracto bello pro republ. regnum instituere gestiens, altiores spiritus gerendo dum nimis altum sapit, de alii Tarpeii montis rupe proster nitur, egregiam vitam pessima morte finiens: documentum omnibus, reverenter habendam fortunam, quæ nunquam satis fida ubi nimia: imponendos felicitati frenos, nam lubrica est, nec invita teneri potest.

X.

VTILISSIMUS ET BREVISSIMUS RERUM BONARUM, MALARUMQUE DELECTUS, QUID SUB ALIO PRINCIPE VOLUERIS AUT NO-
LUERIS.

Nemo bene imperat, dicitur Seneca, nisi cui imperatum: quod enim tibi non vis fieri alteri, ne facias. Quam sententiam adeo dilexit Alexander Severus Imperator, ut in palatio, & vanis numinibus sacratis templis publicisque operibus præscribi juberet. Confirmavit exemplum illud sine exemplo, & virtutum viva imago Trajanus, qui nil se imperatorem privatis facturum promisit, quod nollet sibi privatus ab Imperatore fieri.

XI.

SERVIVS TULLIVS SANCTORUM FUIT, QUEIS ETIAM REGES OBTEMPERARENT.

B

Piè

Pie Imperatores Severus, & Antoninus in §. ult. In-
stit. quibus mod. Testam. infirm. Licet, inquit, legibus
solutissimus, LL. tamen vivimus. Et Germanus ille va-
tes l. 8. de gestis Frider. Imper.

Sponte tamen legi sese submittere regem,

Gratia sit magno, qui temperat omnia regi.

Incommuni fertur lex illa 31. ff. de LL. Princeps LL. solu-
tus est. Humanis nempe, non divinis, & naturalibus, imo &
in humanis revera majus imperio LL. submittere princi-
patum.

XII.

Ann. l. 15.
C. l. n. 6.

IN SUMMA FORTUNA ID ÆQUIVUS, QUOD VA-
LIDUS, SUA TUERI PRIVATÆ DOMUS, DE
ALIENIS CERTARE REGIA LAUS EST.

Cum grano salis accipiendæ hæ voces: venenum ge-
runt in cauda, & quid monstri alunt: nisi examinaveris ad
Lydium rectæ rationis pizque conscientiæ lapidem, re-
probaveris pessima, approbaveris optima, facile errabis:
contrariantur juri civili. Et licet gladius dicatur oprimè de
finibus disputare, sileantque inter arma LL. rem mage ferro,
dum repetunt, Christianum tamen vere crediderim Prin-
cipem, qui Imperatoris Justiniani doctrinam velut filum
Arladnæum secutus, majestatem habet LL. armatam, ar-
mis decoratam, & tam juris se præbet religiosissimum,
quam victis hostibus triumphatorem magnificum. Egre-
gie sidus illud eruditi orbis, Illustris ille Taciti Illustrator,
Regna, inquit, non judicio petuntur civili, aut tribus præ-
toris verbis, cruentis postulantur judiciis: ubi (ut cum
Cardin. Mazarino loquar) tormenta sunt ratio ultima Re-
gum, gladius judex, actio bellum, rei judicatæ executio,
mors autem iniqua servitus. Hactenus ille. Si justitiam Prin-
cipes sequi velint, non libidinem dominandi causam belli
habe-

habere, nec in maximo Imperio maximam putare gloriam sed suum cuique retribuere, & restituere quod vi & armis occupaverunt, ad casas, & egestatem reversuros, conqueritur Cicero. Vid. Limn. in addit J. P. ad l. i. c. 5.

XIII.

MAGNITUDINEM SUAM JUSTITIA TUERI.

Germ. 34.4.

Finxere Poetæ solio Jovis justitiam astante cum libra dictorum factorumque judicem, & firmissimum quasi divinorum placitorum sustentaculum. vid. Petavius in Comœd. Sifara. Clypeus justitia, quo pius, Diisque simillimus princeps se tanquam fortissimo defendit propugnaculo; in bellis præsertim, ubi

Causa jubet melior superas sperare secundos.

Justa causa velut caput bonæ Spei ad triumphales perducingens terras, plusque reponendum in ea quam in duce ac exercitu: victoriam non dat fortitudo, nisi legitimam causam habeat commilitonem: Belli eventus æquus velut iudex eò inclinatur, unde pendere justa incipit. Cum Carthaginienses Afris tributa pro solo exolvere recusarent, belloque succumberent, notanter Justinus inquit, Afrorum sicut justior causa, ita & superior victoria fuit.

XIV.

NON IGNAVIA MAGNA CONTINENTVR IMPERIA, VIRORUM ET ARMORUM FACIENDUM CERTAMEN.

Ann. 1. 15.
c. 1. a. 5.

Stultitiam appellat Patavinus Historicus, sedendo ac votis debellare hostem: audendo atque agendo rem Romanam crevisse. Sardanapalus animum non remissum habens, sed solum, (multum autem interest remittas aliquid an solvas) inter foeminarum repertus greges, perdidit imperium, negante Arbace, se vivere posse sub eo, eique

B 2

parere,

parere, qui mallet fœminam quam virum agere. In pace quidem causæ & merita spectantur, ubi bellum ingruit, fors cuncta turbare solet, innocentes ac noxii juxta cadunt, & ignavissimi telis pereunt fortissimos. Boni viri tamen, & bona arma, consilio nempe temperata, in pace decus, in bello præsidium, sunt anchora illa, qua nititur gubernatoria navis: sunt vela, quorum ope periculorum Sirenes sine periculo, discriminum Scillam media inter & Charybdim, tuta ac sine naufragio præternavigat. Alexander M. ferro ait geri bella, defendi imperia, non auro, viris non urbium tectis, & omnia sequi armatos: quomodo lucem diemque omnibus hominibus, ita omnes terras fortibus viris aperuisse naturam. Bajazethes Sigismundi Hung. Regis legatos in armamentarium deductos, & militiæ campum, jus hoc docet suum esse, imitatus viriliter viros illos Gallos apud Livium, jus se in armis ferre, & omnia fortium virorum esse prædicantes. Ante Germanos nullos fide, aut armis esse, ipsi Germani Romæ in confessu civium dicebant: horum posterius præsidium ab audacia mutuantes ereptum, Romanis gentium victoribus Martium decus, imperii gloriâ, partam armis libertatem, & Arsacis imperio acriorem, veteri adhuc dum militiæ laude conspicui, stabili disciplinæ severitate tuentur.

XV.

Ann. l. 12.
c. 11. n. 3.

FERENDA REGVM INGENIA.

Æquum & iniquum Regis Imperium feras: indigna habenda, Rex quæ facit. Merito celebratur inde Lysimachus, qui magno animo regis velut parentis contumeliam tulit. Vetula quæplam audiens Dionysio Siculorum tyranno mortem optari, nolite inquit, Italia vovere, ferenda regum ingenia, si fors voluerit, pejor sequitur. Boni principes (quos ille apud Vopiscum ait, uno posse describi annulo)

annulo) voto expetendi, qualescunque tolerandi, ut tempestas, & reliqua naturæ mala. Improbo Principi, si succedit melior, subditi de fluctibus quasi efferentes pedem, de naufraga salvi evadentes rate, arenam securis adorant osculis, & velut præteritam maris tempestatem ex securo littore gratissimo recordantur horrore. Ferenda num sint regum ingenia, si quid contra legem DEI præceperint, egregiè ut omnia tractat Grotius de J. B. & P. l. 1. c. 4. n. 1. & in l. 2. c. 25. n. 8.

XVI.

PRINCIPI SUMMVM RERVM IUDICIUM DII Ann. l. 6.
 DEDERVNT, SVBDITIS OBSEQVII GLORIA c. 8. n. 15.
 RELICTA.

Livius ait, firmissimum esse imperium quo obedientes gaudent, & ipse Alexander, Regum ait, ducumque clementia non in ipsorum modò, sed in illorum qui parent sita ingeniis, quæ plerunque violenta aut ignava. Obsequio mitigantur imperia, quo pereunte, pereunt & ea. Quæsitus ille, quare Sparta tantopere floreret, æternitatem urbis, salutem gentis in eo consistere respondit, quod subditi recte pareant. Principi summum rerum judicium DEUS dedit, nec subditis reddenda ratio, quare ad hoc, quare inclinet ad illud. Rebelles Angliæ, queis compositis rebus nulla spes erat, & omne in turbido consilium, crimina objectabant Regi Carolo Stuardo, precariam inter infensos animam trahenti: sed generose ille respondit: soli DEO se obstrictum esse ad reddendas rationes. Imitatus regem Davidem ad DEUM clamantem, TIBI soli peccavi.

XVII.

GRAVISSIMOS PRINCIPIS LABORES, QVEIS Ann. l. 12.
 ORBEM TERRÆ CAPESSIT, ADMINICVLIS c. 5. n. 4.
 EGE RE.

B 3

Opti-

Optimos gubernatores juvat & remigum manus. Hercules Philoctetem, Achilles Patroclum in secretiora rerum admisit gerendarum consilia. Nil Agamemnon sine Nestore, nil Diomedes sine Ulysse agitabar, & nî Princeps vicariam sibi quæsierit operam, non sufficiet publicis laboribus, & si vel ipso Atlante firmiores incumbentibus negotiis opponat humeros. Tiberius fatetur se ab Augusto in partem curarum assumptum, experiundo didicisse, quam arduum, quam subiectum fortunæ cuncta regendi onus. Augusti exemplum plures secuti Imperatores, asciscendo collegas Imperii, sed quo sæpe eventu, historia docet rerum magistra.

XVIII.

Hist. l. 4.
c. 7. n. 6.

NVLLVM MAJVS BONI IMPERII INSTRVMENTVM, QVAM BONI AMICI.

Inter privatæ vitæ delitias, & humani generis gaudia sincera recensetur amicitia. Quis illam suavitatem, Regibus & principibus extendam dixerit, quorum bona malaque ad Remp. pertinent: nisi clarissimo cuique plures curæ, plura subeunda pericula, delinimentis istis curarum foret carendum. Alexander M. ô terque quaterque beatum, fortunam inter dubia, virtutem amicorum inter certa numerantem, qui ejus venerationis erant, ut singulos Reges putares non ambitione, sed meritis, quippe iis ea formæ pulchritudo, proceritas corporum, virium ac sapientiæ magnitudo fuit, ut qui eos ignoraret, non ex una Macedonum gente, sed ex toto terrarum orbe selectos judicaret.

XIX.

Ann. l. 6.
c. 8. n. 6.

ABDITOS PRINCIPIS SENSVS, ET SI QVID OCCVLTIVS PARAT, EXQVIRERE ILLICITVM, NEC IDEO ASSEQVARE.

Poëta

Poëta Comicus in deliciis à Lyſimacho habitus, ab eodemque offerente liberalitatem, quid vellet, interrogatus, quodcunque inquit voles, modo ne quid impertiâris arcani. Livia in ſuas Auguſtum traxerat partes non ſolicite inquirendo in ipſius facta. Deterrimum in privatis appellat Seneca vitium, inquisitionem ſecretorum: multo magis in Principum graſſari abdita, & invitis illis penetrare reprehendendum. Imò quod Tacitus ait, ſupplicio dignum, exemplo Tiberii, ſic punire ſueti curioſos rerum ſuarum, & moleſtè ſedulos indagatores, ne arcana domus, ne conſilia vulgarentur amicorum.

XX.

NON LEGIONES, NON CLASSES ÆQUE FIR- Hiſt. 4.
MA IMPERII MVNIMENTA QVAM NVME- ſ. 2. 2.
RVS LIBERORVM.

Sunt hæc ſubſidia dominationis, ſubſidia aulæ, quæ ſi non in incerto, præviæ aliorum ſpes cohibentur. Alexander M. conqueritur orbitatem ſuam ſperni, quod ſine liberis ſit, quo extincto in varia regna varii diſtraxere Reges Imperium, quod antepenes unumerat. Caroli M. ſtirpe deficiente, cum ultimus Germanor. Rex nullum ſibi adoptaſſet, ad quinquaginta quatuor Imperii proceres omnis devoluta potestas. Plena Cæſarum domus, Sejani, qui veriſſime fortunæ poteſt appellari pila, cupitis moram injecit. Solent hinc plerique Magnatum ante mortem filios Imperii vel principatus designare ſucceſſores, primogenitosque certis indigitare titulis, ut omnis tumultibus præcidatur occaſio. Ita Hugo Capetus Robertum filium nominavit ſucceſſorem: Carolus IV. Wenceslaum: Carolus V. Ferdinandum. In Romanorum Imperio primogeniti appellabantur olim Principes Juventutis: nunc Reges Romanorum: in Gallia Delphini, (quod nomen ab Humberto

berro Principe Delphinatus originem traxit, qui provinciam eam Regi Galliarum pacta lege vendidit, ut impoſterum primogenitus cujusque Regis filius Delphini titulo inſigniretur) in Hiſpania Principes Aſturiarum, & Infantes: in Britannia Walliarum Principes: in Scotia Principes Scotiarum: olim in Cypri Regno Galilæarum, in Neapolitano Salerni dicti Principes. Nonnunquam tamen eſt res periculosa plena aleæ, certum nominare ſucceſſorem, cum quippe duo pluresve Regii Sceptri ſint competitores. Servit pro exemplo Robertus Galliarum R. qui filium natu maximum Hugonem declaravit ſucceſſorem, quo ſatis functo, in locum deficientis ſubſtituit ætate ſequentem Henricum in vira matre, & majore cum affectu minimum natu complectente: hinc diſſidia inter fratrum, diſſidia inter procerum excitata ingenia, dum quisque ſuæ partis ſtudioſus privata etiam vulnera rei publicæ malis operire ſtatuit: acceſſit privata ſtimulatio, & vile decus publicum. Rege Roberto ad plures diſcedente, diſcuſſa regia, ventum ad civilia arma, quæ nec parari nec haberi per bonas artes, & magis deſleri quam defendi poterunt, dum nihil miſerius quam ipſa victoria. Gottofr. in Hiſt. Univ. ad ann. 1028.

XXI.

Ann. l. 2.
c. 28. n. 3.

DISPLICENT REGNANTIBVS CIVILIA FILIORVM
INGENIA.

Ut enim à peſſimis dedecus publicum, ita ab optimis periculum ſibi meruunt, ſuſpectum in viſumque habentes, quem ſibi proxime deſtinari credunt, metu Orientem Solem adoraturos ſubditos, deſerturos Occidentem. Turcicorum Imperatorum liberi non prius è cuſtodia dimittuntur, quam mortuo patre, ne novandis quam gerendis rebus aptiores, tumultibus cauſam præbeant. Interitum Caroli filii Philippi II. Regis Hiſpaniarum hiſtorici Ovidiano illo notârunt verſiculo:

ſILIVS ante Diem patris InqViriſt In annos.

XXII.

XXII.

MINORE DISCRIMINE SVMITVR, QVAM QVÆ-
 RITVR PRINCEPS.
 GENERARI ET NASCI A PRINCIPIBVS FORTVI-
 TVM, NEC VLTRA ÆSTIMATVR, ET SI ELI-
 GERE VELIS CONSENSU MONSTRATVR.
 OPTIMVM QVEMQVE ELECTIO INVENIT.

Hist. l. 1.
 c. 56. n. 59.
 Hist. l.
 16. 3.
 Hist. s.
 16. 2.

Non heri solum, & hodie, sed jam ab omni ævo disceptatum de successione, & electione, occultè Lipsius successionem præfert: contra autem electionem præferre videtur Florentinus ille Doct̃or ab Hetruria. Meum equidem non est tantas componere lites, suo quisque utatur suffragio, spreto alieno. Si curioso mentis oculo latos, & lætos pervagamur historiarum campos, & optimum quemque electionem invenisse, & in purpura natos, ac à successionē fere Regna deprehendimus. Alexander Magnus, imo maximis major, dignissimum sibi designavit successorem. Novo autem tunc opus fuisset Paride, qui non formæ pulchritudine, sed magnete virtutis tractus, pro æquo & bono distribuisset pomum illud Eridos, tot habens competitores quot optimæ animæ altissima quæque aspirabant. Imperator Severus nummo aureo filiorum suorum Getæ, & Caracallæ, imagines insculpi jussit, addito lemmate:

FELICITAS SECVLI.

Sed qualis illa seculi fuerit felicitas, alterius libidines, alterius ostendit fratricidium: & qui capaces omnium consensu videbantur imperii, nisi imperassent, potentiam sibi, odium comparavere apud omnes. Uille in Barclaji Argenide ait charissimum cuilibet esse debere regiminis genus, sub quo genitus sit, ita & ego modum succedendi (generaliter sumto hoc vocabulo, ut & successionem & electionem in se contineat) cuilibet tutissimum statui arbitror, qui

C

rece-

receptor: licet pro varietate variandum, suadente prudentia obliquare nonnunquā cursum, & Reipublicæ temporibus obtentui sumtis, non semper ire uno gradu, sed una via, nec se in aliquibus mutare, sed potius aptare. An vero forti electio magistratuum sit committenda, non sic simpliciter affirmari, negative potest, sed cum Berneggero distinguendum, inter sortem absolutam, & cum electione mixtam. Priori credere periculosum, temerarium: cum sæpe Fortuna faveat fatuis: cum electione autem mixtam posteriorem seligere speciem, melius, nisi me omnia fallunt, quadrat: à quo modo electio Ducum Reip. Venetæ non multum abhorret. Vid. Gottofr. in Archont. Cosm. in Rep. Venerâ. In Imperio nostro Romano-Germanico Henrici IV. Imperatoris tempore Imperii Principes lege publica sanxisse feruntur, ne cuiquam per hæreditatem, ut olim receptum, cederet tanta potestas, sed filius, licet dignus, non jure successionis, sed jure electionis ad Imperii fasces contenderet. Hactenus per aliquod temporis spatium è sola Augustissima Austriaca familia, tanquam regnatrice, ut appellat Augusti familiam Tacitus, Archiduces scepra possidere: nullotamen inde ad summum illum apicem jure gaudent quæsito, eosque potius Electorum consensus quam familia constituit Imperatores. Vid. Exc. D. D. Schvveder. in Jur. publ. part. spec. S. 1. c. 1.

XXIII.

de moribus
German.
45. II,

**FOEMINA DOMINATUR: IN TANTVM NON
MODO A LIBERTATE, SED ET A SERVITVTE
DEGENERANT.**

Occurrit hic locus, amplissimum aperiens campum de *γυναικωντοκρατία* differendi: varia, à variis Politicis, præsertim à Lipsio argumenta allata, quæ foeminas non minus à sceptro remouent, quam ab omnibus officiis virilibus l. z. ff.

de

de Reg. Jur. In historia, ubi omnis exempli documenta in illustri posita licet intueri monumento, foeminas reperimus, plusquam foeminas, Diademate regio insignitas, prudenter non minus quàm feliciter gubernasse: econtra non desunt ingenia pro sexus genio imbecilla, & silicentia adfuerit, sæva, ambitiosa, timida magis quam timenda, ad publicum quæ confedere clavum. Tomyris Massagetarum, Zenobia Palmyrensis, Artemisia Halicarnassi, Dido Carthaginis, Semiramis Assyriorum, Venda Poloniæ, Margaretha Daniæ, Maria Scotiæ, Maria, Elisabetha, Angliæ, Isabella Hispaniæ, Reginæ: has omnes admisit virtus, sine sexus discrimine, ad summam in orbe dignitatem. Accusantur foeminae, inconstantia, imbecillitatis, garrulitatis, vitiorum Remp. interdum prementium, quandoque distrahentium: inverti ajunt humanarum rerum faciem, naturæ ordinem, si masculi foemineo fuerint obnoxii imperio: sufficere sequiori sexui obsequii gloriam. Alii omni modo admittendum censent. Quantum ad me, pedaneus in castra opinionis Justi Lipsii discedo, & capaces sceptri foeminas judico, nisi lege patriæ, moribusque aliud fuerit constitutum: qualis est in Gallia lex Salica, ubi lilia non nere dicuntur. vid. Limnæum in Jur. Publ. t. 1. l. 2. c. 2.

XXIV.

PRINCIPES MORTALES, RESPUBLICA ÆTERNA. Ann. 3. c. 6.
m 5.

Mortales esse Principes, sane quotidiana testatur experientia, rerum omnium magistra: & inde nos Christiani ridemus inanem gentiliū & vanam vanitatem, Reges Principesque suos mortuos, imò sæpè viventes, immortalitati consecrassent, templa, & cœlestes religiones decrevisset, ac pro Diis coluisset. Generose generosus ille apud Senecam de vit. beata: Fac me victorem omnium gentium, delicatus ille

Liberi currus à Solis ortu ad Thebas vechat: Jura Reges Persarum petant, me hominem esse, tunc maxime cogitabo, cum DEUS undique consalutabor. Alexander optat, ô utinam Indi quoque me Deum esse credant: immemor patris Philippi, qui semper acclamantem sibi puerum habuit PHILIPPE HOMO ES. Carpit superbum Macedonem legatus è Scythia: si Deus, inquiens, es, mortalibus beneficia tribuere debes, non sua eripere: si vero homo es, id quod es, semper te esse cogita.

XXV.

Ann. l. 4.
C. 40. B. 2.

CETERIS MORTALIVM IN EO STARE CONSILIA, QUID SIBI CONDVCERE ARBITRENTVR: PRINCIPVM DIVERSAM SORTEM ESSE QVIBVS PRÆCIPVA RERV AD FAMAM DIRIGENDA.

Ann. l. 4.
C. 38. B. 7.

CETERA PRINCIPIBVS STATIM ADSVNT: VNVM INSATIABILITER PARANDVM, PROSPERA SVI MEMORIA: NAM CONTEMPTV FAMÆ CONTEMNI VIRTUTES.

Habent hoc mundi magni cives, quod nihil testum, nihil habeant occultum, & eorum, quos fortuna Principes fecit, domus fama, & intimos recludit secessus, omnia dicta factaque excipit, nec magis quam solem latere sinit. Jure igitur cavere debet Princeps, qui qualem cunque meruerit famam, magnam habiturus est. Duplex autem illa fama, vel in vita, vel post mortem. Bona viventis Principis fama facit ad conservandam salutem, & plurimum momenti habet in bello, & in re militari. Sic universum terrarum orbem dum magnitudo Alexandri invasit, ut omnes velut destinato sibi Regi adularentur, fama plusquam armis avertit. De Cæsare Justinus refert, cum plus magnitudine nominis, quam alios armis perfecisse. Famæ serviendum in bello: nam
& fama

& fama bella constant. Mauritius Naffovius Bergam sine armis, & solo adventu vindicavit, cum pro armis (novū proeliandi genus) fama & exultatione nominis sui uteretur. Principi necessaria propter proximū fama, conscientia propter Deum: à qua, ut virum bonum, virum pium deest, ne transversum unguem discedat. Sic securus adversus Deum, securus adversus homines, rem difficilissimam assequetur, ut sine morfu animi vitæ possit agere fabulam. Famam potissimum non perpetuam, sed bonam Magnatibus quærendam, suadet Plinius in Trajani Panegyrico. Arcus, statuas triumphales, sacratas æternitati portas, obruit oblivio: virtute autem & meritis paratur fama, prorogatur memoria.

XXVI.

NEMO FLAGITIO QUÆSITVM IMPERIVM BONIS ARTIBVS EXERCIVIT. Hist. l. 1, c. 30 a. 3.

Imperium iis artibus & retineri, & regi, quibus partum est, docet exemplum Tarquini Superbi, qui scelere partam potestatem non melius egit, quam acquisierat. Justinus Ptolemæum scelestum vocat in occupando, segnem in administrando Imperio.

XXVII.

NOVVM IMPERIVM INCHOANTIBVS UTILIS CLEMENTIÆ FAMA.

Pessimorum plerunque Principum optima regnandi solent esse initia: exemplo Tiberii, Caligulae, triginta Atheniensium Tyrannorum, qui animo perfidiosi, & subdoli, avaritiam ac libidinem occultantes, specieque bonarum artium falsi erant. Reprehenditur Mithridates à Tacito, quod

Captatio autem benevolentiae tum in constituto, tum maxime in constituendo firmiter feliciterque Imperio locum habet: ut enim prima cesserunt, sic de reliquis subditi sibi spem faciunt: sed saepe spe sua defraudati: solent enim diuturnitate in superbiam Reges mutari, & cum fortuna mores, imò & natura: quod Dario Colomanno veritatis impatienti Charidemus objecit ap. Curt. l. 3.

XXVIII.

Ann. l. 1.
c. 47. n. 3.

MAJOR MAJESTATI EX LONGINQVO REVE-
RENTIA.

A Deioce Medorum Rege Herodotus memoriae prodidit, institutum fuisse, ne conspiciantur crebrius Reges: continuum enim aspectum minus verendos magnos homines ipsa satietate facere. Apud Persas etiam persona Regis sub specie Majestatis occultabatur. Henricus VII. Angliae Rex Londinum ingressus clauso curru, utpote, qui olim Regni publicatus hostis, satius sibi duxit celare faciem, quam ulla ratione plebis captatorem agere, adorare eum, jacere oscula, & serviliter omnia pro dominatione facere, nec ad ancipitem plebeji favoris auram in tam tempestuoso & vasto mari, quo vel ipse errasset Ulysses, solvere antennas, vela ventis dare.

XXIX.

Hist. 3.
68. 1.

RELICTA FORTVNAE SEDE EXIRE DE IMPE-
RIO.

Privato habitu una die Imperii commutavere insignia Diocletianus Nicomediae, Maximianus Mediolani. Carolomannus superstitione captus abdicato Regno intravit monasterium. Carolus V. celeberrimi nominis Imperator depositis Imperii insignibus monachum egit, aliis diutius retinentibus Imperium, nemine tam fortiter relinquire.

AXIO-

AXIOMATUM POLITICORUM GENERALIUM.

APPENDIX.

I.

Stultitia videtur, alienam rem suo periculo curare. Sallust.
bell. Jugurth.

II.

Humiles magnarum rerum DOMINI facti magnopere
nocent. Arist. l. 2. Polit.

III.

Nihil magni discriminis consiliis tam inimicum, quam ce-
leritas. Liv. l. 31. c. 32.

IV.

Majestas Imperii salutis Tutela. Curt. l. 8.

V.

Nulla magna civitas diu quiescere potest: si foris hostem
non habet, domi inveniet. Liv. l. 30.

VI.

Regum discordia, salus civitatis. Arist. l. 2. Polit.

VII.

Nemo alteri imperium volens concedit. Sall. ad Caf. Orat.

VIII.

Suadere Principi quod oporteat, multi laboris. Tacit. l. 1.
Hist.

IX.

Obliqua via eundum, quo non licet recta. Lips. l. 3. Pol.
cap. 5.

X.

Benevolo Lectori

Salutem.

PLura circa statum Principatus axiomata ex Tacito: multa ex Livio circa Democratiam, & Aristocratiam, afferenda forent: imo attulissem, nisi in ipso labore telum in me iniecisset fatum: dum Charissimum D. Avunculum meum inopina mors, illi Solatium, mihi supplicium, ad plures abire iussit. Reprehenderetur forsitan proinde, quod hujus ætatis rerum incuriosus, vètera tantum attulerim exempla, quasi magnarum virtutum sterile nostrum foret seculum, quas aut securus neglexerim, aut ita, ut par est, non æstimaverim. Veniam rogo, imo dabit ipsa temporum ratio, quæ non ea gaudet felicitate, uti judicare, quæ velis, & quæ judices, dicere licet. Juveni res nostro gestas tempore ad certas Politicæ applicare regulas, & Orbi exponere, intutum, temerarium, cum magna sit viventium admiratio, difficilis autem censura.





I.

Imperii doctas dum tradit LENZIUS artes,
Virtutem illustri collocat ipse loco.
Hac patriæ quondam respublica dum potietur,
In Nato vivet sic pater usque suo.

*Nobilissimi & Clarissimi Dn. Christiani Alberti LEN-
ZII, Fautoris & Consalini sui honorandi, tenerâ
-Illustris Avunculi ipsius PORTNERI, sed heu!
nuperrime prematuro fato extincti, curâ sibi con-
crediti, ante annum, & quod excurrit, sub repenti-
niæ, ob felicissimam Buda expugnationem, Duca-
tus huius feris chartaceo lapideæ forma opere Phi-
logogi eximii, nuper Ivoniano in Facultatis nostræ
Festo Oratoris disertis, nunc verò Disputatoris accu-
rati partes publicitus implentis studiis ex animo
gratulatur*

JOHANNES ANDREAS
Frommann/ D. Pand. P. P.

II.

PORTNERVM nuper terris heu! fata tulerunt:
Ivit & ad Superos mens generosa Viri.
Ipse suum doluit CÆSAR LEOPOLDVS amicum;
Aulaque consiliis his viduata gemis.

*Victrices inter lauros, domitosque furores
 Turcorum exiollens leta Vienna caput,
 Lugendam mortem tamen hanc quoque mæsta vicissim
 Munere supremo dividit in populos,
 Vicinasque ciet lachrymas, qua mœnia surgunt
 Alta Ratiſpona, qua vehit Iſter aquas.
 Nec procul in Suevis Tubia has ſenſere Camæna,
 Et mixtus Rheno qui fluit amne Nicer.*

*LENZIVS at dias revocare in luminis auras
 COGNATVM docta dum parat arte ſuum,
 Spes Generis ſolus ſuſtentat: Avunculus in quo
 Cum Patre huic Orbi parte aliqua ſuperat.
 Imperii incolumis Majeſtas quo ſtetit ante
 Vindice: cui palmam Iulia lex peperit.
 Nunc quantum TACITO præſtet, prudentia rerum
 Quanta ſit hoc pleno fonte petita ſibi,
 Oſtendit: Patria Civis digniſſimus, ore
 Atque ſtylo pollens, ingenioque potens.
 Audiit hac PRINCEPS: illuſtris tecta Lycei
 Dant plauſum: Phæbo pagina roſa placet:
 Cujus & Authorem meliori carmine PRASCHI
 Muſa canat, qua non cultior ulla fuit.
 Hujus ad exemplum tua virtus ſi quoque LENZI*

*Creſcet, { PORTNERI } non deerunt Patria.
 { SOLONES }*

Scr.

Memoria & amiciria cauſa

**PORTNERIANI & LENZIANI Nominis
 Famæque & Gloriæ immortalis**

Cultor perpetuus

Joannes Ulricus Pregizer, D.

III. Si

III.

SI nec poma novo nascuntur vere, nec udo
 Flores autumnno, Tu quid, Amice, paras?
 Fœcundum veri autumnnum conjungis, & omen
 Implesque ac superas nominis ipse Tui.
 Talis Principio rerum, nisi fallimur, orbis
 Et fuit & certe debuit esse status.
 Maeste proinde novo conatu: nempe Parente
 A magno non Te degenerare probas.

1. m^q₃ f.

Michael Geydinger.



F I N I S.



THE HISTORY OF THE
LIFE OF
THE
LORD
OF THE
TREASURY
OF THE
COMMONS
IN PARLIAMENT
ASSEMBLED
BY
JAMES
MACKINTOSH
ESQ.

